

摘藻堂四庫全書薈要

子部

欽定四庫全書薈要

子部

御定廣羣芳譜卷

五

六

詳校官主事臣陳木

欽定四庫全書薈要卷一萬五百六十八

子部

御定佩文齋廣羣芳譜卷五

天時譜

秋

增禮記鄉飲酒義西方者秋秋之為言愁也爾雅秋

為白藏注氣白而收藏秋為收成尸子西方為秋

秋肅也萬物莫不禮肅也原梁元帝纂要秋曰三秋

九秋素秋素商高商天曰旻天風曰商風素風淒風高

風涼風激風悲風景曰朗景澄景清景時曰凄辰霜辰

節曰素節商節草曰荒草木曰疎木衰林霜柯霜條

彙考原易兌卦兌正秋也萬物之所說也 詩小雅秋

日淒淒百卉具腓 增管子秋至而禾熟天子用祀於

大忌 淮南子秋風下霜倒生挫傷注草木首地而生

故曰倒生挫傷者凋落也 秋畜蔬食注菜蔬曰蔬穀

食曰食 三統歷說秋為陰中萬物以成 原羯鼓錄

明皇製秋風高曲每奏之則清風徐來夜葉交墜 增

清閒供秋時晌午用蓮房洗硯理茶具拭梧竹午後戴
白接羅著隱士衫望紅樹葉落得句題其上薄暮焚香
壅菊

集藻文賦散句原楚屈原九歌嫋嫋兮秋風洞庭波兮
木葉下 宋玉九辨悲哉秋之為氣也蕭瑟兮草木搖
落而變衰僚慄兮若在遠行登山臨水兮送將歸沈寥
兮天高而氣清寂寥兮收潦而水清 皇天平分四時
兮竊獨悲此凜秋白露既下降百草兮奄離披此梧楸

漢東方朔七諫秋草榮其將實兮微霜下而夜降商
風肅而害生兮百草育而不長 晉潘岳秋興賦耕東

臯之沃壤兮輸黍稷之餘稅泉涌湍于石間兮菊揚芳
乎崖溪 湛方生秋夜賦悲九秋之為節物凋悴而無
榮嶺頽鮮而隕綠木傾柯而落英 宋沈勃秋羈賦菊

圖縟于園沼橘倒飾于池側草改貌而傾葢林伐狀而
搖蕤潭斂氣而威荷露危光而嚴蕙 梁元帝秋興賦
洞庭之葉初下塞外之草前衰 秋風搖落辭秋風起

兮寒鴈歸寒蟬鳴兮秋草腓萍青兮水澈葉落兮林稀
翠為蓋兮玳為席蘭為室兮金作扉水周兮曲堂花交
兮洞房樹參差兮密稍紫荷紛披兮疏且黃 唐王勃
秋夜山亭宴集序紅蘋綠荇亘渚連翹玉帶瑤華分欄
間植池簾夕敞香牽十步之風岫幌宵寒氣襲三危之
露 李白悲清秋賦荷花落兮江色秋風娟娟兮夜悠
悠臨窮溟以有羨思釣鰲于滄洲 劉禹錫秋聲賦松
竹含韻梧楸早脫驚綺䟽之晚吹墜碧砌之涼月 黃

涵秋色賦跋烏減赫顧免添明池上落紅蕖之態煙中吟
玉笛之聲泰華峯高染蓮花而翠活湘川樹老換楓葉
以丹生愈碧高山偏清漢水松柏風高兮歲寒出梧桐
蟬急兮煙翠死

五言古詩原晉江逋詠秋祝融解炎轡蓐收起涼駕高
風催節變凝露替物化長林悲素秋茂草思朱夏鳴雁
薄雲翳蟋蟀吟深榭寒蟬向夕號驚飈激中夜感物增
人懷悽然無欣暇 宋劉鑠秋歌 昊天清且高秋風發

初涼白露下微津
明月流素光凝煙汎城闕
淒風入軒房
朱華先零落綠草就芸黃
纖羅還笥篋輕紉改衣裳
鮑照詠秋
秋蘭徒晚綠流風漸不親
飈我垂恩幕驚此梁上塵
沉陰安可久豐景將遂淪
何由忽靈化暫見別離人
增周庾信秋日蒼茫望落景
羈旅對窮秋賴有南園菊
殘花足解愁原庾信遊昆明池
秋光麗晚天鷁舸泛中川
密菱障浴鳥高荷沒釣船
碎珠縈斷菊殘絲繞折蓮
落花堆十酒栖鳥送一絃
唐太宗度秋

夏律昨留灰秋箭今移晷峩嶺岫初出洞庭波漸起桂
白發幽巖菊黃開灞水運流方可歎含毫屬微理 增

李白秋思春陽如昨日碧樹鳴黃鸝蕙然蕙草暮颯爾
涼風吹天秋木葉下月冷莎鷄悲坐愁羣芳歇白露凋
華滋 王昌齡秋興日暮西北堂涼風洗修木著書在
南牕門館常肅肅苔草延古意視聽轉幽獨或問余所
營刈黍就寒谷 白居易早秋曲江感懷離離暑雲散
娟娟涼風起池上秋又來荷花半成子朱顏易銷歇白

日無窮已人壽不如山年光急于水青蕪與紅蓼歲歲
秋相似去歲此悲秋今我復來此 新秋西風飄一葉
庭前颯已涼風池明月水衰蓮白露房其奈江南夜綿
綿自此長 溫庭筠秋日爽氣變昏旦神臯徧原隰煙
華久蕩搖石澗仍清急柳閣山犬吠蒲流水禽立菊花
明欲迷棗葉光如濕天籟思林嶺車塵倦都邑壽張夙
所違悔愴何由入芳草秋可藉幽泉曉堪汲牧羊燒外
鳴林果雨中拾復此遂聞曠條然脫羈繫田收鳥雀喧

氣肅龍蛇蟄佳節足豐穰良朋阻遊集沉機日寂寥葆
素常呼吸投迹倦攸往放懷志所執良時有東菑吾將
事蓑笠 宋歐陽修秋晚凝翠亭黃葉落空城青山繞
官解風雲淒以高歲月驚何邁陂田寒未收野水淺生
派晴林紫榴折霜日紅梨曬蕭疎喜竹勁寂寞傷蘭敗
叢菊如有情幽芳慰孤介嘉客日可攜寒醅美新醅登
臨無厭頻冰雪行即屆 司馬光秋意三首槐花滿庭
除籍籍不可掃稍疎邵平瓜漸熟王陽棗失時團扇棄

新進袷衣好日暮益愁思寒蟬起幽草忽聞秋興篇歎
賞幾絕倒端居倦煩暑園圃久不窺雨餘秋氣新紅

葉生紫梨形骸得蕭散不知環堵卑何能效流俗把酒
須菊枝登高已可醉四野青雲垂弱植生川澤托根

北堂後昔時青春姿扶疎映軒牖風霜日消落憔悴復
何有蠹穿枯節斷雨漬虛心朽幸不夭年猶得勝凡

柳陸游秋花歎秋花如義士榮悴相與同豈比輕薄
花四散隨春風黃菊抱殘枝寂寞卧寒雨拒霜更可憐

和帶浮煙浦古來結交意正要共死生讀我秋花詩可

代丹鷄盟 原明馮琦秋夜簡敬承公亮秋色遽如許客

心鬱未安微微日影薄肅肅天宇寬高風下木葉零露被

宗蘭四氣自幹運誰為衰盛端朱華曾幾何素萼忽已殘

楚楚松柏姿凌風以自完願言附高節與君同歲寒

七言古詩原唐無名氏秋月色驅秋下穹昊梁間燕語

辭巢蚤古苔凝紫貼瑤階露槿啼紅墮江草越客羈魂

挂長道西風欲揭南山倒粉娥恨骨不勝衣映門楚碧

蟬聲老 增宋邵雍秋日飲後晚歸水竹園林秋更好

忍把芳樽容易倒重陽已過菊方開多情不學年光老
雲陰不動柳條低風遞輕寒梧葉槁無涯逸興不可收
馬蹄慢踏天街草 元何中山中樂空山一夜生新雨
涼起賞心千萬緒扇團自守不依人桐葉知幾尋脫路
隔隴笑談雜樵牧臨流賓從惟鷗鷺旋庖蘆服美勝酥
精浙新杭香滿戶山中之樂誰得知我獨知之來何為
青林紅樹人煙濕護得金橙密處垂

五言律詩

御製禁園秋霽樹冷催蟬咽荷疎表影長深秋殘暑氣微爽
待高陽戶外遠塵蹟園中多蕙香溶溶新雨霽吟之愧成
章

增唐太宗秋日翠微宮秋光凝翠嶺涼吹肅離宮荷疎
一蓋缺樹冷半帷空側陣移鴻影圓花釘菊叢攄懷俗
塵外高眺白雲中 秋日二首菊散金風起荷疎玉露
圓將秋數行鴈離夏幾林蟬雲凝愁半嶺霞碎纈高天

還似成都望直見
我眉前
爽氣澄蘭沼
秋風動桂林

露凝千片玉
菊散一叢金
日岫高低影
雲空點綴陰
蓬瀛不可望
泉石且娛心
王維山居秋暝
空山新雨後

天氣晚來秋
明月松間照
清泉石上流
竹喧歸浣女
蓮動下漁舟
隨意春芳歇
王孫自可留
原李白秋登宣

城謝朓北樓
江城如畫裏
山曉望晴空
兩水夾明鏡
雙橋落彩虹
人煙寒橘柚
秋色老梧桐
誰念北樓上
臨風懷謝公
包佶秋日過徐氏園林
回塘分越水
古樹積

吳煙埽竹催鋪席垂蘿待繫船鳥窺新罅栗龜上半歌
蓮屢入忘歸地長嗟俗事牽 增白居易答劉戒之早

秋別墅見寄涼風木槿籬暮雨槐花枝併起新秋思為
得故人詩避地鳥擇木入朝魚在池城中與山下喧靜
間相思 許渾早秋遙夜泛清瑟西風生翠蘿殘螢委
玉露早雁拂金河高樹曉還密遠山晴更多淮南一葉
下自覺老烟波 雍陶和劉補闕秋園寓興水木多陰
冷池塘秋意多庭風吹故葉堦露淨寒莎愁燕窺燈語

情人見月過砧聲聽已別蟲響復相和 閉門無事後

此地即山中但覺鳥聲異不知人境同晚花開為雨殘
果落因風獨坐還吟酌詩成酒已空 秋色庭蕪上清

朝見露華疎簞抽晚笋幽藥吐寒芽引水新渠淨登臺
小徑斜人來多愛此蕭爽似仙家 禁掖朝迴後林園

勝賞時野人來辨藥庭鶴往看碁晚日明丹棗朝霜潤
紫梨還因重風景猶自有秋詩 鄭谷郊野蓼水荊籬

邊新晴有亂蟬秋光終寂寞晚醉自留連野濕禾中露

村間社後天題詩滿紅葉何必浣花牋 宋邵雍秋夜

浮雲一消散星斗粲長天碧蘚墜丹果清香生白蓮體

涼猶衣葛耳靜已無蟬坐久羣動息秋空唯寂然 歐

陽修秋郊曉行寒郊桑柘稀秋色曉依依野燒侵河斷

山鴉向日飛行歌採樵去荷鋤刈田歸秫酒家家熟相

邀白竹扉 陸游新秋秋氣入清茄旗亭酒可賒長歌

穿小市短帽插幽花溪女留新蟹園公餉晚瓜誰知閒

老子解作醉生涯 金趙沍秋郊晚望桃竹猶堪杖幽

尋興頗嘉池荷能幾葉籬菊不多花地坼成龜兆林枯
出犬牙村農慶豐歲社鼓已三過 師拓曲江秋望山
遠嶂重出野平天四圍涼風芟實坼久雨藕花肥水濶
漁舟小天長去鳥微紫蒲行處有采采莫盈衣 元德明

山中秋夕黃卷存餘習青燈共晚涼只知書味永不覺
鬢絲長老檜千年物幽蘭一國香平生陶靖節此夕邈
相望 明仁宗江樓秋望遠碧接天涯登臨景自佳蘋
洲晴亦雪楓岸晝常霞落雁過前浦浮鷗傍淺沙籬

高曬網茅屋是漁家

秋風玉律轉清商金飈送晚涼

輕飄梧葉墜暗度桂花香月下生林籟天邊展雁行吹
噓禾黍熟萬頃似雲黃原張祥鳶秋望快閣臨飛鳥

遙天入斷峯白雲山面面紅葉樹重重空翠當杯落晴
光刺眼濃願言隨楚客木末採芙蓉

七言律詩增唐溫庭筠郊居秋日稻田鳬雁滿晴沙釣
渚歸來一徑斜門帶果林招邑吏井分蔬圃屬鄰家
原寂歷垂禾穗桑竹參差映豆花自笑謾懷經世策不

將心事許煙霞

原趙嘏長安秋夕雲物淒涼拂曙流

漢家宮闕動高秋殘星幾點雁橫塞長笛一聲人倚樓

紫豔半開籬菊靜紅衣落盡渚蓮愁鱸魚正美不歸去

空戴南冠學楚囚

韋莊秋日早行上馬蕭蕭襟袖涼

路穿禾黍繞宮牆半山殘月露華冷兩岸野風蓮萼香

煙外驛樓紅隱隱渚邊雲樹暗蒼蒼行人自是心如火

兔走鳥飛不覺長

增元何中秋懷采采蘋花可佩香

依依橘柚未全黃人行塞北非征戍雁過江南有稻粱

短笛疎鐘來別浦。亂鴉飛鷺過斜陽。西風擾擾知何似。
看見黃花滿地霜。明陸樹聲獨憐秋色倍清幽。花月
娟娟夜氣浮。滿院風飄香欲散。一天雲淨影交流。光搖
皓魄庭如水。寒染霜葩玉作毬。把酒吸英誇二美。賞心
還以繼前修。

五言排律增唐太宗秋日即事。爽氣浮丹闕。秋光澹紫
宮。衣碎荷疎影。花明菊點叢。袍輕低草露。蓋側舞松風。
散岫飄雲葉。迷路飛煙鴻。砌冷蘭凋佩。閨寒樹殞桐。別

鶴棲琴裏離猿啼峽中野落飛星箭弦虛半月弓芳霏
夕霧起暮色滿房櫳 盧照鄰山林休日田家歸休乘
暇日饁稼返秋塲徑草疏王簍巖枝落帝桑耕田虞訟
寢鑿井漢機忘戎葵朝委露齊棗夜含霜南澗泉初冽
東籬菊正芳還思北牕下高卧偃羲皇

五言絕句增唐王績秋夜喜遇王處士北塲芸藿罷東
臯刈黍歸相逢秋月滿更值夜螢飛 原李白綠水曲
綠水明秋月南湖採白蘋荷花嬌欲語愁殺盪舟人

錢珣江行萬木已清霜江邊村事忙故溪黃稻熟一夜
夢中香

七言絕句原唐吳融涼思松間小檻接波平月淡煙沉
暑氣清半夜水禽棲不定綠荷風動露珠傾 增李商

隱到秋扇風漸瀝簾流離萬里南雲滯所思守到清秋
還寂寞葉丹苔碧閉門時 宋秦觀秋辭二首雲惹低
空不更飛班班紅葉欲辭枝秋光未老仍微暖恰似梅
花結子時 無數青莎繞玉堦夕陽紅淺過牆來西風

莫道無情思未放芙蓉取次開 范成大秋日碧蘆青

柳不宜霜染作滄洲一帶黃莫把江山誇北客冷雲寒
水更荒涼 陸游秋懷園丁傍架摘黃瓜村女沿籬采

碧花城市尚餘三伏熱秋光先到野人家 金高士談

楊休烈村居籬落牽牛放晚花西風吹落滿人家閉門
久雨青苔滑時見鴛鴦下白沙 柿葉經霜菊在溪天

寒落日見雞棲西家有客篋新酒紅葉蕭蕭蓋芋畦

趙元秋日禾穗纍纍豆角稠松前村落太平秋熙熙多

少豐年意都在農家社案頭
元郭鈺秋辭鶴認琪花

欲下遲蓬萊仙客遣催詩情深寫到相思處秋露芙蓉

開滿池
明世宗秋日即事拂暑金風動袞裳滿天商

吹助新涼農家萬寶收成後十里遙聞禾黍香
陳繼

儒草綠蘋香穀水紋秋山寂寂冷斜曛庭前雙桂牕留

影時宿寒鴉與斷雲
秋老江瀕漾夕空蕭蕭楓葉挂

疎紅那知三泖清秋思偏寄蘆花一寺中

詩散句增宋鮑照氣交蓬門疎風數園草殘
梁簡文

帝池蓮翻罷葉露篠生寒條 蕭慙芙蓉露下落楊柳

月中疎 周王褒苑寒梨樹紫山秋菊葉黃 庾信殘

秋欲屏扇餘菊尚浮杯 唐太宗露結林疎葉寒輕菊

吐滋 霜翦涼地蕙風捎幽渚荷 盧照鄰窮巷秋風

葉空庭寒露枝 李義府關樹凋涼葉塞草落寒花

張說汀葭變秋色津樹入寒煙 蘇頲落暉隱桑柘秋

原被花實 李嶠梧桐稍下葉山桂欲開花 李白一

為滄浪客十見紅渠秋 張均洲白蘆花吐園红柿葉

稀 尹恣風秋樹色雜苔古石文斑 司空曙花酣蓮

報謝葉在柳呈疎 韓翃蒹葭露下晚菡萏水中秋

風翦荷衣碎霜迎栗罅開 李商隱秋應為紅葉雨不

厭青苔 桐槿日零落雨餘方寂寥 溫庭筠江館白

蘋夜水關紅葉秋 李咸用柳葉飄乾翠楓枝撼碎紅

數花籬菊晚片葉井梧秋 許渾葦花迷夕棹梧葉

散秋砧 方干細雨蓮塘晚疎蟬橘岸秋 徐鉉雨久

莓苔紫霜濃薜荔紅 宋邵雍紅葉戰西風黃花笑寒

日 陸游秋色滿江干江楓已半丹 元吳萊梧桐老

葉恨芙蓉新 愁 吳師道紅惜芙蓉落青憐薜荔生

明謝榛閒庭秋一色滿架豆花垂 唐韓翃風吹山

帶遙知雨露濕荷花已報秋 溫庭筠三秋岸雪花初

白一夜林霜葉盡紅 韓偓楓葉微紅近有霜碧雲秋

色滿吳鄉 稻龍蓼紅溝水清荻園葉白秋日明 宋

秦觀莫誇春色欺秋色未信桃花勝菊花 陸游夕露

正看沾草棘晨霜已見落楸槐 楊萬里秋風畢竟無

多巧只把燕支滴蓼花 金辛愿煙迷短草秋還綠露

濕寒花晚更香 元仇遠山分秋色歸紅葉風約蘋香

入畫船 蕭國寶丹楓葉落霜初肅白葦花開月倍明

周權梧葉庭除秋漸老豆花籬落晚初晴 明沈德

符繞林行藥挈軍持小插秋花寄遠思 原文徵明江

空露下芙蓉葉月出風吹桂樹枝 陳繼儒疎菊籬邊

如待酒芟荷池上可為衣 王象晉禾黍滿場堆玉粒

橘橙弄色挂金蠶 增晉謝朓秋町鬱蒙茸 周庚信

霜天林木燥

陳徐陵江秋岸荻黃

唐李白木落識

歲秋

秋風生桂枝

清秋凋碧柳

韓翃秋江落葉

遲

李咸用薄日朦朧秋

李濤秋槐滿地花

于濬

秋沼生荷芰

杜甫清秋幕府井梧寒

司空曙菊花

楓葉向誰秋

李益柿葉翻紅霜景秋

李商隱秋日

當堦柿葉陰

鄭谷紅葉黃花秋景寬

杜荀鶴秋水

鷺飛紅蓼晚

宋蘇軾楓葉蘆花秋興長

秦觀雨荷

風蓼不勝秋

元葉顥黃花有恨驚秋老

趙孟頫露

下碧梧秋滿天 張雨秋在梧桐疎處多 明孫太初

菰米蓮房作好秋

詞原明劉基眼兒媚煙草淒淒小樓西雲壓雁聲低兩
行疎柳一絲殘照數點鴉棲 春山碧樹秋重綠人在
武陵溪無情明月有情歸夢同到幽閨 增宋劉鎮念

奴嬌嫩涼生曉怪今朝湖上秋風無迹古寺桂香山色
外腸斷幽叢金碧驟雨俄來蒼煙不見苔徑孤吟屐繫
船高柳晚蟬咽破愁寂 且約攜酒高歌與鷗相好分

坐漁磯石算只藕花知我意猶把紅芳留客樓閣空濛
管絃清潤一水盈盈隔不如休去月懸良夜千尺

別錄原千金方秋宜食黍桃蔥 秋耕宜早恐霜後掩

入陰氣 收五穀擇吉日上倉先祭倉神 收藏鮮果

梨橘之類帶枝插蘿蔔或芋中仍用紙或乾穰草包護
瓮勿通氣

七月

立秋七
夕附見

增禮記月令孟秋之月日在翼昏建星中旦畢中註日

月會于鶉尾而斗建申之辰也 涼風至白露降 是

月也農乃登穀天子嘗新先薦寢廟註黍稷之屬于是

始熟 命百官始收斂註順秋氣收斂物 原梁元帝

纂要七月曰孟秋首秋初秋上秋肇秋蘭秋又曰涼月

花月令是月也桐報秋木槿榮紫薇映月蓼紅菱實

鷄冠報曉 增瓶史月表七月花盟主紫薇蕙花花客

卿秋海棠重臺朱槿花使令波斯菊水木香矮雞冠向

日葵

彙考原詩幽風七月食瓜 七月烹葵及菽 增夏小

正七月莠藿葦傳未莠則不為藿葦莠然後為藿葦故
先言莠 湟潦生革爽死革秀傳湟潦生革也者湟下
處也有湟然後有潦潦而後有革革也爽也者猶疏也
革也者馬帚也 初昏織女正東鄉時有霖雨灌荼傳
灌聚也荼藿葦之莠也為蔣楮之也藿未莠為莢葦未
莠為蘆 晉書樂志七月之辰謂為申申者身也言時
萬物身體皆成就也 七月之管名為夷則夷平也則

法也謂萬物將成平均皆有法則也 秦中歲時記進

士下第當年七月復獻新文求拔解故曰槐花黃舉子

忙 水衡記荻苗水七月八月莢花故以名 夢溪筆

談七月百穀成實自能任持故曰太乙 賞心樂事七

月餐霞軒五色鳳仙花玉照堂玉簪西湖荷花南湖觀

魚應鉉堂東葡萄霞川水荳珍林剝棗 洽聞記河中

鳳林關有靈巖寺七月十五日溪穴流聖奈出大如琰

楚志水陸寺在沔江深不可測名蓮花潭於初秋良

夜有蓮花豔出水面香浮襲人 立秋增禮記月令是

月也以立秋先立秋三日太史謁之天子曰某日立秋
盛德在金天子乃齋立秋之日天子親帥三公九卿諸
侯大夫以迎秋于西郊 要覽列子御風常以立春歸
乎八荒立秋遊乎風穴是風至草木皆生否則搖落謂
之離合風 東京夢華錄立秋日滿街賣楸葉婦女兒
童輩皆翦成花樣戴之是月瓜果梨棗方盛京師棗有
數品靈棗牙棗青州棗亳州棗雞頭上市則梁門裏李

和家最盛中貴戚里取索供賣內中泛索金合絡繹士庶買之一裹十文用小新荷葉包糝以麝香紅小索兒繫之賣者雖多不及李和一色揀銀皮子嫩者貨之

熙朝樂事立秋之日男女咸戴楸葉以應時序或以石楠紅葉翦刻花瓣插鬢邊或以秋水吞赤小豈七粒七夕增荆楚歲時記七月七夕人家婦女結綵縷穿七孔鍼陳瓜果于庭中以乞巧有喜子網於瓜上則以為符應風土記或問董勛七日為良日飲食不同于古

何也勛曰七月黍熟七日陽數故曰珍糜今惟設湯餅
不復有糜矣 說林七月七日陳豐以青蓮子十枚寄
葛勃勃啖未竟墜一子於盆水中有喜鵲過惡汗其上
勃遂棄之明早有並蒂花開於水面如梅花大取置几
頭數日始謝房亦漸長剖之各得實五枚如豐來數自
是鄉人改雙星節為雙蓮節 原東京夢華錄七月七
夕以小板傅土旋種粟令生苗置小茅屋花木作田舍
家小人物皆村落之態謂之穀板又以瓜雕刻成花樣

謂之花瓜又以菜豆小豆小麥於磁器內以水浸之生
芽數寸以紅藍綵縷束之謂之種生皆於街心設綵幕
帳貨賣前三五日車馬盈市羅綺滿街旋折未開荷花
都人善做假雙頭蓮取玩一時提攜而歸又小兒須買
新荷葉執之蓋效顰磨喝樂至初六日七日晚貴家多
結綵樓於庭鋪陳磨喝樂花瓜酒焚香列拜謂之乞巧
五色線仙子云天寶六載侍輦驪山七夕夜張錦繒
樹瓜花陳飲食焚香於庭拜縷鍼絳線致虛閣雜俎

薛瑤英於七月七日令諸婢共剪輕綵作連理花千餘
朶以陽起石染之當午散於亭中隨風而上徧空中如
五色雲霞久之方沒謂之渡河吉慶花藉以乞巧 七
夕徐婕妤雕鏤菱藕作奇花異鳥攢於水晶盤中以進
上極其精巧上大稱賞賜以珍寶無數上對之竟日喜
不可言至定昏時上自散置宮中凡上令宮人暗中摸
取以多寡精麤為勝負謂之鬪巧以為歡笑 誠齋雜
記蔡州丁氏女精於女紅每七夕禱以酒果忽見流星

墜筵中明日瓜上有金梭自是巧思益進 常氏日錄

七日將午時酒服菖蒲一二寸飲酒不醉

集藻文賦散句增晉盧湛感運賦氣漱漱而浸冷霜微
微而日華翠葉紛以朝落朱華慘以夕捐 原梁昭明
太子錦帶書桂吐花于小山之上梨翻葉于大谷之中

唐王勃七夕賦玉繩湛色金漢斜光煙淒碧樹露濕
銀塘視蓮潭之變彩見松院之生涼引驚蟬于寶瑟宿
蘭燕于瑤筐 宋田錫早秋賦桐葉潛零下玉欄兮金

井桂花增麗鑒珠簾分綺疏

四言古詩原晉潘尼七月七日侍皇太子宴商風初授
辰火微流朱明送夏少昊迎秋嘉禾茂園芳草被疇于
時秋游以豫以休

五言古詩原北周庾信奉和初秋落星初伏火秋霜正
動鐘北閣連橫漢南宮應鑿龍祥鸞棲竹實靈蔡上芙
蓉自有南風曲還來吹九重 唐李賀七月樂辭星依

雲渚冷露滴盤中圓好花生木末衰蕙愁空園夜天如

玉砌池葉極青錢
僅厭舞衫薄
稍知花簾寒
曉風何拂
拂北斗光闌干

五言律詩

公阜秋新霽
卷幔過新雨
披襟納好風
餘霞明遠岫
倒景
晴虹稼穡豐
年足乾坤爽氣同
高天雲斷處
歷歷見初
增唐太宗儀鸞殿
早秋寒鷺門
葉秋發小山
枝松陰
背日轉竹影
避風移提壺
菊花岸高興
芙蓉池欲知涼

氣早巢空燕不窺 宋邵雍和李文思早秋一雨洗觚
稜三川氣象清林風傳顥氣木葉送商聲忽忽蓮生酌
看看菊吐英太平時裏老何以報虛生 池畔拖垂柳
闌邊笑晚霞敗荷傾敝蓋老檜露枯槎歲暮驚時態年
高惜物華東陵風未替解憶故園瓜 陸游初秋藉草
沾衣露沿溪掠面風桐凋無茂綠蓮老有疎紅小酌歆
危度鄰園曲折通新秋得強健一笑莫匆匆

七言律詩

御製立秋前一日晚同左右閒坐進鮮果偶作初到金風天
氣晚微涼雨後畫簾垂九重迴出白雲遠三殿高臨北斗
移珍果滿盤新獻節碧梧一葉報秋時漏深不寐題詩句
月色輝煌照鳳墀

增唐韋莊早秋夜作翠簾初清暑半銷撇簾松韻送輕
颺莎庭露永琴書潤山郭月明砧杵遙傍砌綠苔鳴蟋
蟀繞簾紅樹織蟪蛄不須更作悲秋賦王粲辭家鬢已
凋
明景氏翩翩七夕樓前蕭史憶吹簫鴈足西風倍

寂寥望斷支機應化石愁填烏鵲未成橋素毫月冷吟
梧葉紈扇秋回識柳條姊妹東鄰如乞巧莫教瓜果浪
相招

七言絕句增宋范成大七月十六日石湖路中書事白
葛烏紗稱老農溪南溪北水車風稻頭的皪黏朝露步
入明珠翠網中立秋後二日泛舟越來溪西風初入
小溪帆旋織波紋縐淺藍行入闌荷無水面紅蓮沉醉
白蓮酣元趙雍初秋夜坐夜深庭院寂無聲明月流

空萬影橫坐對荷花三兩朵紅衣落盡秋風生

詩散句增唐鄭槩江南孟秋天稻花白如氈白居易

清風水蘋葉白露木蘭枝韋莊柿葉添紅影槐柯減

綠陰李商隱桂含爽氣三秋首蓂吐中旬一葉新

宋陸游風生細葛無三伏月上疎林正四更

詞原宋歐陽修漁家傲七月新秋風露早渚蓮未折庭

梧老是處瓜花時節好金樽倒人間綵縷爭祈巧萬

葉敲聲涼乍到百蟲啼晚煙如掃漏箭初長天杳杳人

語悄那堪夜雨催清曉

別錄原占候有三卯田禾熟無則旱種麥 種植蘿蔔

白菜蕪菁芥菜秋黃瓜甜菜蒿苣光荳水仙根苦蕒晚
紅花牛膝蔥烏松臘梅子蜀葵韭 澆灌桂樹忌澆橙

橘糞 收採胡桃乾薑磨菇斑猫浮萍楮實瞿麥刈藍
卷柏海棠覆盆子使君子畢澄茄麻子藕蔓荊子蘇黃
莖白薔薇刈苧芋石硫黃馬鞭草露蜂房石龍芮皮鼠
尾草甜瓜蒂天門冬眼子菜旋覆花白蒺藜荷葉槐實

藿香五加皮茱萸石韋蒺藜漆 整頓漚晚麻翻麥地
伐木斫竹 製用醬鳳仙莖製瓜蘆曬葫蘆茄瓜乾
田忌天火午地火辰荒蕪亥九焦酉糞忌酉

八月

秋分中
秋附見

增禮記月令仲秋之月日在角昏牽牛中旦觜觿中註
日月會于壽星而斗建酉之辰也 天子乃難以達秋
氣以大嘗麻先薦寢廟 乃命有司趨民收斂務蓄菜
多積聚乃勸種麥毋或失時其或失時行罪無疑 原

花月令是月也槐黃蘋笑芝草奏功桂香秋葵高撥金錢及第 增瓶史月表八月花盟主丹桂木樨芙蓉花客卿寶頭雞冠楊妃槿花使令水紅花翦秋羅牡丹花山茶花

彙考原詩豳風八月萑葦 八月其穫 八月斷壺

八月剝棗 增夏小正八月剝瓜傳剝瓜也者畜瓜之時也 剝棗臬零傳剝也者取也零也者降零而後取之故不言剝也 晉書樂志八月之辰謂為酉酉者緇

也謂時物皆緇縮也 八月之管名為南呂南呂任也

謂時物皆秀有懷任之象也 續齊諧記鄧紹八月旦

入華山採藥見一童子執五綵囊盛柏葉上露如珠滿
囊紹問用此何為荅曰赤松先生取以明眼言終便失

所在 荆楚歲時記八月十四日以錦綵為眼明囊遞

相餉遺註按述征記云八月一日作五明囊盛取百草

頭露洗眼令眼明也 風土記里俗以八月雨為豆花

雨 夢溪筆談八月枝條堅剛故曰天罡 賞心樂事

八月湖山尋桂現樂堂秋花衆妙峯山木犀霞川野菊
綺互亭千葉木犀桂隱攀桂杏花莊雞冠黃葵 成都

古今記八月有桂市 山家清事八月八日為竹醉日

種竹易活 筍譜竹八月謂之小春熟欲去寒欲來故
曰小春 秋分增宋書律志秋分而禾稊定稊定而禾
熟律之數十二故十二稊而當一粟一粟而當一寸

中秋增瑣碎錄中秋無月則兔不孕蚌不胎蕎麥不實
乾淳歲時記中秋夕禁中賞月延桂 通考八月十

五為移花日

禪林備覽有梵僧從天竺鷺山飛來云

八月十五日夜桂子落

清閒供八月十五日牡丹誕

集藻文賦散句原梁昭明太子錦帶書黃花笑冷白羽

悲秋既傳蘇子之書更泛陶公之酒

增元王柏長嘯

山游記辛卯秋八月與客游於北山於時丹楓纈林香

桂染袖金粟垂穎翠莢吐芙蓉靚冶籬菊敷茂紫蘭

兮抗莖濯藥於深幽香稻兮春玉簌珠於踐蹂懸顆苞

于棗栗祭青黃于橘柚日暄而不燄雨寒而不驟正一

年之佳景候也

五言古詩原晉孫綽秋日蕭瑟中秋日雁唳風雲高山
居感時變遠客興長謠疎林積涼風虛岫結凝霄湛露
灑庭樹密葉亂縈條撫葉悲先落攀松羨後凋垂綸在
林野交情遠市朝澹然懷古心濠上豈伊遙 增唐白
居易南湖晚秋八月白露降湖中水方老旦夕秋風多
衰荷半傾倒手攀青楓樹足蹋黃蘆草慘淡老容顏零
落秋懷抱有兄在淮楚有弟在蜀道萬里何時來煙波

白浩浩

卷五

七言古詩增宋徐積八月十四夜有人望月吟太虛半
夜秋風吹碧蘆碧蘆風起吹老桂吟聲入月驚蟾蜍明
夜中秋更好吟兔肥蟾大桂成林桂兔之外有何物玉
池水到中秋溢秋風刮水如霜滴

五言律詩增唐廖凝中秋月九十日秋色今宵已平分
孤光含列宿四面絕纖雲衆木排疎影寒流疊細紋遙
遙望丹桂心緒正紛紛

七言律詩原明蔡羽秋思清秋山色淨簾櫳八月芙蓉
滿鏡中醉任嶺雲連海綠愁禁楓葉接天紅養魚好伴
鷗夷子飲水如無桑苧翁江上美人期不到吹簫獨自
向虛空

七言絕句原宋韓琦仲秋八日雲臺觀羣花盛開春早
凡花百種榮秋芳能得幾多名仙家八月靈葩發不與
尋常俗豔爭

別錄原占候有三卯三庚低田麥稻吉三庚二卯麥宜

高田無三卯不宜麥諺云三卯三庚麥出低坑三庚二卯麥出坳巧 月大盡有水災少菜 月令通考秋分

諺曰分社同一日低田盡叫屈秋分在社前斗米換斗錢秋分在社後斗米換斗豆 朔日值白露果穀不實值秋分主物價貴 十一日卜來年水旱侵晨或隔夜于水邊無風浪處作一水則子至晚看之若沒主水露主旱平主小水又主本年好種麥名曰橫港 增農政全書八月朔日風雨宜麥麻子貴十倍又云凡朔要晴

惟此日要雨好種麥

諺曰白露前是雨白露後是鬼

其時之雨片雲來便雨稻花見日吐出陰雨則收正吐之時暴雨忽來卒不能收遂致白颯之患若連朝雨反不為災 種植箭籐菜豌豆蠶豆萵苣麥水晶蔥蘿蔔

芥菜蔓菁蒜春菜菠菜油菜白菜薺紅花烏菘胡荽胡

麻雞頭蔥木瓜罌粟黃矮菜芍藥菱

移植櫻桃橘李

柚枇杷柑杏梅銀杏桃梔子芍藥枸杞木犀梧桐橙牡丹玫瑰丁香木筆石菊百合水仙山丹 壓插玫瑰薔

薇 貼接牡丹綠萼梅海棠 澆灌牡丹瑞香芍藥並

宜猪糞 收採割穀著實根 豇豆石楠實大棗狼毒

牛膝韭花金毛狗脊人參酸棗山藥桔梗牡丹皮根薏

苡草龍膽白斂當歸白蒺藜升麻芍藥根柴胡黃芩烏

藥根秦艽生地澤瀉巴戟天白蘚皮甘草白朮黃連萱

草根香附子百合知母玄參天門冬山豆根地榆防己

前胡苧香苗胡黃連葶藶桂皮茯苓神芋根蜀椒花椒甘

松茯苓丁香猪苓雷丸王不留行根苗花子藍種秦皮

虎杖巴豆角蒿 整頓修牡丹艾芍藥菊加土放芋根
鋤竹園蘭換盆刈芋忌澆橙橘 田忌天火酉地火卯
九焦午糞忌申荒蕪卯

九月 九日附見

增禮記月令季秋之月日在房昏虛中旦柳中註日月
會于大火而斗建戌之辰也 菊有黃華 命百官貴
賤無不務內以會天地之藏無有宣出 乃命冢宰農
事備收舉五穀之要 是月也草木黃落乃伐薪為炭

是月也天子以犬嘗稻先薦寢廟 原梁元帝纂要

九月曰季秋亦曰暮秋末秋暮商季商杪商又曰玄月
增花月令是月也菊有英巴竹筍芙蓉綻山藥乳橙
橘登老荷化為衣 瓶史月表九月花盟主菊花花客
卿月桂花使令老來紅葉下紅

彙考原詩豳風九月叔苴 夏小正九月榮鞠樹麥

榮鞠鞠草也鞠榮而樹麥時之急也 晉書樂志九月

之辰謂之戌戌者滅也謂時物皆衰滅也 九月之管

名曰無射射者出也言時陽氣上升萬物收藏無復出也 夢溪筆談九月木可為枝幹故曰太衡 九日增

西京雜記戚夫人侍兒賈佩蘭後出為扶風人段儒妻說在宮內時九月九日佩茱萸食蓬餌飲菊花酒令人長壽菊花舒時并採莖葉雜黍米釀之至來年九月九日始熟就飲焉故謂之菊花酒 玉燭寶典九日食蓬餌飲菊花酒者其時黍稷并收因以黏米嘉味觸類嘗新遂成積習 太清記九月九日採菊花與茯苓松脂

久服之令人不老 原風土記九月九日律中無射而

數九俗尚此日折茱萸房以插頭言辟除惡氣為禦初
寒 漢俗九日飲菊花酒以祓除不祥 續齊諧記汝

南桓景隨費長房游學累年長房謂曰九月九日汝家
中當有災宜急去令家人各作絳囊盛茱萸以繫臂登
高飲菊花酒此禍可除景如言舉家登山夕還見雞犬
牛羊一時暴死長房聞之曰此可代也今世人九日登
高飲酒婦人帶茱萸囊蓋始于此 續晉陽秋陶潛九

月九日無酒於宅邊菊叢中摘盈把坐其側望見白衣人乃王弘送酒即便就酌而後歸 增千金月令重陽之日必以肴酒登高眺遠為時讌之遊賞以暢秋志酒必採茱萸甘菊以泛之既醉而還 原歲時雜記二社

重陽以棗為糕或加以栗以肉 洛陽風土記九日以

花糕法酒賜近臣 增賞心樂事重九登城把萸把菊

亭采菊蘇堤看芙蓉珍林當時果景全亭金橘芙蓉池

三色拒霜 東京夢華錄九月重陽都下貴菊有數種

其黃白色藥若蓮房曰萬齡菊粉紅色曰桃花菊白而
檀心曰木香菊黃色而圓者曰金鈴菊純白而大者曰
喜容菊無處無之酒家皆以菊花縛成洞戶都人出郊
外登高宴聚前一二日各以粉麵蒸糕遺送摻飮果實
如石榴子栗黃銀杏松子之類 熙朝樂事重九日登
高飲燕者必簪菊泛萸猶古人之遺俗也又以蘇子微
漬梅酒雜和蔗霜梨橙玉榴小顆名曰春蘭秋菊

集藻書原魏文帝與鍾繇九日送菊書歲往月來忽復

九月九日九為陽數而日月並應俗嘉其名以為宜於
長久故以宴享高會是月律中無射言羣木庶草無有
射地而生惟芳菊紛然獨榮非夫含乾坤之純和體芬
芳之淑氣孰能如此故屈平悲冉冉之將老思餐秋菊
之落英輔體延年莫斯之貴謹奉一束以助彭祖之術
文賦散句原宋傅亮九月九日登凌囂館賦何物慘而
節哀又雲悠而風厲悴綠繁于寒渚隕豐翟于荒蕓翫
中原之芬菊惜蘭圃之凋蕙旌竹柏之勁心謝梧楸之

零脆 梁昭明太子錦帶書重陽變序節景窮秋霜抱
樹而擁柯風拂林而下葉金堤翠柳帶星采而均調紫
塞蒼鴻追風光而結陣

五言古詩原晉陶潛九日閒居世短意常多斯人樂久
生日月依辰至舉俗愛其名露淒暄風息氣徹天象明
往燕無遺影來鴈有餘聲酒能祛百慮菊解制頽齡如
何蓬廬士空視時運傾塵爵恥虛壘寒華徒自榮斂襟
獨閑謠緬焉起深情棲遲固多娛淹留豈無成 乙酉

歲九月九日靡靡秋已夕淒淒風露交蔓草不復榮園
木空自凋清氣澄餘滓杳然天界高哀蟬無留響晨鴈
鳴雲霄萬化相尋繹人生豈不勞從古皆有沒念之中
心焦何以稱我情濁酒且自陶千載非所知聊以永今
朝 增梁庾肩吾九日侍宴輟跡光周頌巡遊盛夏功
鉤陳萬騎轉閭闔九門通秋暉逐行漏朔氣繞桐風獻
壽重陽節廻鑒上苑中疏山開輦道間樹出離宮玉醴
吹巖菊銀牀落井桐御梨寒更紫仙桃秋轉紅飲羽山

西射浮雲冀北驄塵飛金埒滿葉破柳條空騰猿疑橋
箭驚鴈避虛弓彫材濫杞梓花綬接鸛鴻愧乏天庭藻
徒參文雅雄 陳江總於長安歸還揚州九月九日行

至薇山亭賦韻心逐南雲逝形隨北鴈來故鄉離下菊
今日幾花開 唐太宗山閣晚秋山亭秋色滿巖牖涼
風度疎蘭尚染煙殘菊猶承露古石依新苔新巢封古
樹歷覽情無極咫尺輪光暮 原宋梅堯臣九日永叔
長文原甫景仁鄰幾持國過飲秋堂雨更靜粲粲佳菊

芳置酒延羣公掇英浮新黃心猶慕淵明歸來醉柴桑
莫問車馬之去跡亂康莊 蘇軾九日閒居和陶詩九
日獨何日欣然愜平生四時靡不佳樂此古所名龍山
憶孟子栗里懷淵明鮮鮮霜菊豔溜溜糟牀聲閒居知
令節樂事滿餘齡登高望雲海醉覺三山傾長歌振履
商起舞帶索榮坎軻識天意淹留見人情但願飽秔稌
年年樂秋成

五言律詩

御製九日幸景山登高秋色淨樓臺登高紫禁隈千門鳴雁
度萬井霽煙開翠拂鑾輿上雲隨豹尾來佳辰欣宴賞滿
泛菊花杯

原唐中宗九月九日幸臨渭亭登高九日正乘秋三杯
興已周汎桂迎樽滿吹花向酒浮長房萸早熟彭澤菊
初收何藉龍沙上方得恣淹留 增王績九月九日野
人迷節候端坐隔塵埃忽見黃花吐方知素節回映巖
千段發臨浦萬株開香氣徒盈把無人送酒來 崔善

為答王無功九日秋來菊花氣深山客重尋露葉疑涵

玉風花似散金摘來還泛酒獨坐即徐斟王弘貪自醉

無復覓楊林 原沈佺期九日侍宴應制御氣幸金方

憑高薦羽觴魏文頒菊蕊漢武賜萸囊去鶴留笙吹歸

鴻識舞行年年重九慶日日奉天長 杜甫九日舊日

重陽日傳杯不放杯即今蓬鬢改但媿菊花開北闕心

長戀西江首獨回茱萸賜朝士難得一枝來 九日曲

江綴席茱萸好浮舟菡萏衰季秋時欲半九日意兼悲

江水清源曲荆門北路疑晚來高興盡搖蕩菊花期

七言律詩原唐張諤九日秋天林下不知春一種佳遊

事也均絳葉從朝飛著夜黃花開日未成旬將橫陌樹
頻驚馬半醉歸途數問人城遠登高併九日茱萸凡作

幾年新 杜甫九日藍田崔氏莊老去悲秋強自寬興

來今日盡君歡羞將短髮還吹帽笑倩傍人為整冠藍

水遠從千澗落玉山高並兩峯寒明年此會知誰健醉

把茱萸仔細看 嚴維九日登高詩家九日憐芳菊逐

客高齋瞰浙江漁浦浪花搖素壁西陵樹色入秋牕木
奴向熟懸金實桑落新開瀉玉缸四子醉時爭講德笑
論黃霸屈為邦 增宋韓琦壬子重九菊有黃花氣候
移重陽香萼已乾枝金鈴後坼孤芳在玉液輕浮一醉
宜煙渚去來鴻自適霜叢飛遶蝶何知風前客帽從吹
落且伴山翁倒接羅 邵雍秋暮西軒遶欄種菊一齊
芳戶牖軒牕總是香得意不能無興詠樂時况復遇豐
穰深秋景物隨宜好向老筋骸羸且康飲罷何妨更登

眺爛霞堆裏有斜陽

楊萬里九日即事呈尤延之昨

日茱萸未苦香今朝籬菊頓然黃浮英泛葉多多著舊
酒新醅細細嘗節裏且追千載事髩邊管得幾莖霜正
冠落帽多兒態自笑狂夫老不狂 金姚孝錫重九天
邊今日又重陽隴樹紅飛鴈信霜且插茱萸慰衰鬢莫
將詩句撓迴腸歌勤皓齒人俱醉舞戀晴暉蝶也忙來
日預期扶宿酒未應籬菊減秋香

五言排律原唐高宗九月九日端居臨玉宸初律啓金

商鳳闕澄秋色龍闈引夕涼野靜山氣斂林疎風露長
砌蘭窺半影巖桂發全香滿蓋荷凋翠圓花菊散黃揮
鞭爭電烈飛羽亂星光柳空穿石碎弦虛側月張怯猿
啼落岫驚鴈斷分行斜輪低夕景歸旆擁通莊 沈佺
期白蓮花亭侍宴應制九日陪天仗三秋幸禁林霜威
變綠樹雲氣落青岑水殿黃花合山亭絳葉深朱旗夾
小徑寶馬駐青灣花吏收寒果饗人膳野禽承歡不覺
暝遙響素秋砧 增王維奉和聖製重陽節宰臣及羣

官上壽應制四海方無事三秋大有年百生逢此日萬
壽願齊天芍藥和金鼎茱萸插玳筵玉堂開右个天樂
動宮懸御柳疎秋景城鴉拂曙煙無窮菊花節長奉柏
梁篇

五言絕句增唐王勃九日九日重陽節開門有菊花不
知來送酒若箇是陶家原李白九日龍山飲九日龍
山飲黃花笑逐臣醉看風落帽舞愛月留人九月十
日即事昨日登高罷今朝更舉觴菊花何太苦遭此兩

重陽 杜甫復愁每恨陶彭澤無錢對菊花如今九日

至自覺酒須賒 增金宇文虛中回文詩短葦低殘雨

虛舟帶晚潮斷鴻歸暗浦疎葉墮寒梢 感感蛩吟苦

茫茫水驛孤日銜山色暮霜帶菊叢枯 明馬氏間卿

暮秋野色滿園中間情立晚風菊花含雨豔楓葉醉霜

紅

七言絕句原唐張諤九日宴秋葉風吹黃颯颯晴雲日

照白鱗鱗歸來特問茱萸女今日登高醉幾人 增王

維九月九日憶山東兄弟獨在異鄉為異客每逢佳節
倍思親遙知兄弟登高處遍插茱萸少一人 宋韓琦

重九會光化二園誰言秋色不如春及到重陽景自新
隨分笙歌行樂處菊花萸子更宜人 王安石九日九

日無歡可得追飄然隨意歷山陂蔣陵西曲風煙慘也

有黃花一兩枝 陸游九月晦日作菊枝傾倒不成叢

桐葉凋零已半空自是老來多感慨不須蕭瑟為秋風
炊煙漠漠衡門寂寒日昏昏倦易還數樹丹楓映蒼

檜天工解作范寬山

秋晚新築塲如鏡面平家家歡

喜賀秋成老來懶情慚丁壯美睡中聞打稻聲

秋晚

雜興汀樹猶青未著霜墮間稗穗已先黃放翁皓首歸

民籍爛醉狂歌坐簀牀

冷落秋風把酒杯半酣直欲

挽春回今年菰菜嘗新晚正與鱸魚一味來

金張本

九日月中對菊花上清光花下陰素娥惜此萬黃金一

杯寒露三更後誰信幽人更苦心

詩散句原齊王儉寥寥清景靄靄微霜草木搖落幽蘭

獨芳 梁沈約暮芝始綠年桂初丹上林葉下滄池水

寒 葉浮楚水草折梁園淒涼霜野惆悵晨鷗 丘遲

雲物游颺光景高麗枯葉未落寒花委砌 唐李白今

日雲景好水綠秋山明攜壺酌流霞塞菊汎寒榮 白

居易黍香酒初熟菊暖花未開聞聽竹枝曲淺酌茱萸

杯 陳江總園菊把黃華庭榴割朱實 原隋賀正寒

花低岸菊涼葉下庭梧 增唐張錫菊彩揚堯日萸香

遶舜風 蕭至忠寵極萸房遍恩深菊酎餘 樊忱插

插茱萸滿鬢紅 陸游但憶社醅按菊蕊敢希朝士賜

萸枝 金周昂猶賴多情數枝菊肯留金蕊待重陽

原元耶律楚材鴈門九日西風高綿梨萬樹垂金綃

增曹伯啓蕎花不識秋光老猶向桑陰密處開 唐嚴

維菊度重陽少 殷璠重陽開滿菊花金 杜荀鶴重

陽酒熟茱萸紫

詞原明陳繼儒昭君怨記得東坡老叟莫負清明重九
今日正重陽菊花黃 花插滿頭歸去落日前村楓樹

樹裏唱歌聲釣漁人 增金李俊民點絳脣秋樹風高

可憐憔悴門前柳白衣去後閒却持杯手 一笑相逢

落帽年時友君知否南山如舊人比黃花瘦 宋蘇軾

浣溪沙珠檜絲杉冷欲霜山城歌舞助淒涼且餐山色

飲湖光 共挽朱幡留半日強揉青蘂作重陽不知明

日為誰黃 黃機清平樂西風獵獵又是登高節一片

情懷無處說秋滿江頭紅葉 誰憐鬢影淒涼新來更

點吳霜辜負萸囊菊盞年年客裏重陽 原李易安醉

花陰薄霧濃雲愁永晝瑞腦噴香獸時節又重陽玉枕
紗厨半夜涼初透東籬把酒黃昏後有暗香盈袖莫

道不消魂簾捲西風人似黃花瘦黃庭堅鷓鴣天黃

菊枝頭破曉寒人生莫放酒杯乾風前橫笛斜吹雨醉

裏簪花倒著冠身健在且加飧舞裙歌板盡清歡黃

花白雪相牽挽付與時人冷眼看蘇軾南鄉子霜降

水痕收淺碧粼粼露遠洲酒力漸消風力軟颼颼破帽

多情却戀頭詩酒若為倚但把清樽斷送秋萬事到

頭都是夢休休明日黃花蝶也愁
歐陽修漁家傲九

日歡遊何處好黃花萬葉雕欄遶通體清香無俗調天
氣好煙滋露結功多少
日脚清寒高下照寶釘密綴

圓斜小落葉西園風嫋嫋催秋老叢邊萸厭金樽倒

又九月霜秋已盡烘林敗葉紅相映惟有東籬黃菊

盛遺金粉人家簾幕重陽近
曉日陰陰晴未定授衣

時節輕寒嫩新鴈一聲風又勁雲欲凝鴈來應有吾鄉

信

別錄原種植大小麥油菜豌豆水仙春菜芡菱蒿苣白

菜冬瓜蒜芥菜罌粟 移植牡丹芍藥萱草山茶臘梅

麗春玫瑰竹諸果木 收採五倍子五穀種菊花薔薇

子芝蔴稗木瓜乾薑兔絲子大豆杜仲白朮栗厚朴芍

藟橄欖菜萸梔子阜莢阜角茶子豆稽茄種松節抓抓

兒 整頓採蒴花鋤蓆草掘薑糞麥門冬刈紫草收子

刈苕芻掘芋收苧麻子去荷葉缸水 製用本草凡衆

用九月採日乾補中益氣久服神仙以其月採太乙餘

糧久服耐寒暑不饑輕身可醃諸色菜及造茭白藕蘿
蔔葫蘆諸生鮓作香茄蒜茄蒜東瓜芥薺田忌天火
子地火寅糞忌巳九焦寅荒蕪未

御定佩文齋廣羣芳譜卷五

欽定四庫全書薈要卷一萬五百六十九

子部

御定佩文齋廣羣芳譜卷六

天時譜

冬

增禮記鄉飲酒義北方者冬冬之為言中也中者藏也
爾雅冬為玄英註氣黑而清英 冬為安寧 蔡邕

月令章句冬終也萬物於是終也 梁元帝纂要冬曰

玄冬三冬九冬天曰上天風曰寒風勁風嚴風厲風哀

風陰風景曰冬景寒景時曰寒辰節曰嚴節草曰寒卉
黃草木曰寒木寒柯素木寒條

彙考原詩邶風我有旨蓄亦以禦冬 增禮記王制冬

薦稻 原漢書魯恭傳易曰潛龍勿用言十一月十二

月陽氣潛藏未得用事育噓萬物養其根荄而猶盛陰
在上地凍水冰陽氣否隔閉而成冬 晉書孝義傳劉

殷祖母王氏冬月思堇殷時年九歲乃於澤中慟哭聲
不絕者半日忽若有人云止止殷收淚視地有堇生焉

因得斛餘以供母 增唐書五行志長慶二年冬少雪

水不冰凍草木萌莢如正月 管子北方曰月其時曰

冬其氣曰寒其德淳起溫怒周密斷刑致罰以符陰氣

大寒乃至五穀乃熟此謂月德 韓非子周公曰冬日

之閉凍也不固則春夏之長草木也不茂 原鵬冠子

斗柄指北而天下皆冬 呂氏春秋冬之德寒寒不信

其地不成剛地不成剛則凍閉不固 增淮南子冬伐

薪蒸註大曰薪小曰蒸 尚書大傳北方伏方也萬物

之方伏也冬中也物方藏於中也陽盛則吁荼萬物而
養之外陰盛則呼吸萬物而藏之內故曰呼吸者陰陽
之交接萬物之始終 新論冬木可折 原魏略顏斐
為京兆尹課民當輸租時以車牛各致薪兩束為冬月
寒冰炙筆硯之用 增拾遺記漢明帝霜林園皆植寒

果積冰之節百果方盛俗謂之相陵霜林之聲訛也

神仙傳葛玄冬日能為客設生瓜 竹書帝舜四十七

年冬隕霜不殺草木 原杜陽雜編李輔國遇嚴寒置

鳳首木於堂和煦如二三月又別名常春木 運行論
注凝慘冰雪寒之化凜冽霜電寒之用柔爽之物遇寒
則堅寒之致太虛澄淨黑氣浮空天色黯然高空之寒
氣也氣如散麻本末皆黑川澤之寒氣也太虛清白空
明雪映遐邇一色山谷之寒氣也太虛白昏大明不翳
如霧雨氣遐邇肅然北望色玄凝霧夜落此水氣所生
寒之化也太虛微黑白埃昏翳天地一色遠視不分此
寒溫凝結雪之將至也地裂水冰河流乾涸枯澤浮鹹

木斂土堅是土勝水水不得自清水所生寒之用也

增歲華紀麗羽律纔移乾風更肅霜樹盡摧於枯葉玉
壺漸結於輕冰松秀寒姿桂榮貞質星斗旋臨亥位金
烏迭次房星北戶墜扉之日東臯獲稻之辰 原靖間
供冬時午後攜籠向古松懸崖間敲水煮建茗日晡布
衣皮帽策蹇驢問寒梅消息薄暮圍爐促膝煨芋魁說
無上偈

集藻文賦散句增楚屈原遠遊嘉南州之炎德兮麗桂

樹之冬榮 晉陸機感時賦寒冽冽而感興風諛諛而
妄作鳴枯條之泠泠飛落葉之漠漠 唐趙自厲寒賦
幽林風掃時物霜殘柔條危勁奧室凄寒有美人兮心
恍惚情怵悼而靡安 伊鮮物之皆瘁獨霜松之常青
縱寒苦之飄激淬堅明而自寧

五言古詩增晉曹毗詠冬綿邈冬夕永凜厲寒氣升離
葉向晨落長風振條興夜靜輕響起天清月輝澄寒水
盈渠結素霜竟欄凝今載忽已暮來紀奄復仍 原梁

簡文帝玄圃冬夕洞門扉未掩金壺漏已催
曛煙生澗曲暗色起林隈雪花無有帶冰鏡
不安臺階楊始倒插浦桂半新栽陳根委
落蕙細葉發香梅雁去銜蘆止猿戲繞枝來

七言古詩增宋陸游冬夜吟昨夜凝霜皎如月
碧瓦鱗鱗凍將裂今夜明月却如霜竹影橫
窻更清絕造物有意娛詩人供與詩材次第
新饑鴻病鶴自無寐山窮水絕誰為鄰西村
梅花消息動唧唧寒醅漸鳴瓮儘將醉

帽插幽香此生莫作長安夢 元何中山中樂千花重
作陽春節野杏山桃隨處發莫思前度看花誰已見荒
原芳草歇穆山山下數灣月華山山崖千丈雪幽人獨
在雪月中要與梅花成四絕山中之樂誰得知我獨知
之來何為除却山家新臘醞世間無事可相宜 原鄭
奎妻冬月詞山茶未開梅先吐風動簾旌雪花舞金盤
冒冷塑狻猊綉幙圍春護鸚鵡倩人呵筆畫雙眉脂水
凝寒上臉遲妝罷扶頭重照鏡鳳釵斜壓瑞香枝

五言律詩增唐太宗冬日臨昆明池石鯨分玉溜劫燼
隱平沙柳影冰無葉梅心凍有花寒野凝朝霧霜天散
夕霞歡情猶未極落景遽西斜 張蟾次韻和友人冬

日書齋四季多花木窮冬亦不凋薄冰行處斷殘火睡
來消象版簽書帙蠻藤絡酒瓢公卿有知己時得一相
招 宋張耒冬日雜興水落橋痕在沙乾岸草枯霜餘
槐老壯風際竹清疎啄木高逾響鵲鷁飛且呼二年親
友絕惟有對禽魚 空山身欲老徂歲臘還來愁怯年

年柳傷心處處梅綠疏挑甲短紅蠟點花開冰雪如何
有東風日夜回唐庚立冬後作啗蔗入佳境冬來幽
興長瘴鄉得好語昨夜有飛霜籬下重陽在醅中小至
香西鄰蕉向熟時致一梳黃陸游冬日吳中寒氣薄
歲暮亦和風移樹來村北尋僧渡港東露葵收半綠霜
稻杵微紅一飽無餘念吾生正不窮朱子冬日蕭條
時序晚已復度高秋回澗白波起通川絳樹稠晨風散
清露嘉稻卷平時獨懷志士感歲事幸將休清霜染

澗樹蕭索向嚴冬密雨有時集寒雲無定容波明橫瀨
出風急遠林空一極窻間眺高旻矗亂峯

七言律詩增唐韓偓冬日蕭條古木銜斜日戚澀晴寒
滯早梅愁處雪煙連野起靜時風竹過牆來故人每憶
心先見新酒偷嘗手自開景狀入詩兼入畫言情不盡
恨無才 宋真山民初冬林葉新經數夜霜地爐獨擁
一山房塵書邀我共高閣濁酒勸人歸醉鄉費省家貧
還似富身閒日短亦如長梅花苦欲催詩興又破梢頭

半點香 原明文徵明煙鎖凝塵四壁空青燈欲燼夜

溶溶涼聲度竹風如雨碎影搖窻月在松病枕蕭條聞
永漏草堂搖落已深冬不堪酒醒淒然地撫景懷人意
萬重 王象晉蜡祭喧喧土鼓搓紛紛髦穉擁如波詠
幽恍際周王世布令行宣青帝和冰飭迎陽辭碧瓦梅
珠散彩耀繁柯春光積漸來茅舍對酒能忘鼓腹歌

孟淑卿默坐深閨思有餘霜威漸覺襲衣裾青綾被冷
無鴛夢紫塞天寒斷雁書竹葉舞風侵戶響梅花和月

上窻虛雙蛾爭似庭前柳臘盡春來忽又舒

五言絕句增唐王勃冬郊行望桂密巖花白梨疎林葉
紅江皋寒望盡歸念斷征蓬 金宇文虛中回文鵲健
呼風急鳥啼促景殘窟深宜兔蟄蒲折蔭魚寒

七言絕句增唐元稹西歸寒花帶雪滿山腰著柳冰珠
滿碧條天色漸明回一望玉塵隨馬度藍橋 元王惲

蘭溪道中豫樟蔽日無黃落竹筍經霜更碧鮮記取江
南光景異暖煙晴日是冬天 郭珏冬詞疎林晴旭散

啼鴉高閣朱簾窄地遮為問王孫歸也未玉梅開到北
枝花

詩散句增唐劉孝孫凍柳含風落寒梅照日鮮 郎士
元高松殘子落寒井凍痕生 李頻芸細書中氣松疎
雪後陰 宋陸游藤疎不覆架桐落欲平溝 唐張籍
海花蠻草連冬有行處無家不滿園

十月 立冬小雪附見

增禮記月令孟冬之月日在尾昏危中旦七星中註日

月會於析木之津而斗建亥之辰也 原梁元帝纂要

冬曰孟冬亦曰上冬曰陽月 花月令是月也蘆傳冬

菜蒔木葉避霜芳草斂漢宮秋老亭蓀護其根 增瓶

史月表十月花盟主白寶珠茶梅花客卿山茶花甘菊

花花使令野菊寒菊芭蕉

彙考增詩幽風十月穫稻為此春酒以介眉壽 十月

納禾稼黍稷重穋禾麻菽麥 晉書樂志十月之辰謂

為亥亥者劓也言時陰氣劓殺萬物也 十月之管名

為應鐘應者和也謂歲功皆成應和陽功收而聚之也

唐書西域傳東女國巫者以十月詣山中布糟麥呪呼羣鳥俄有鳥來如雞狀剖視之有穀者豐歲名曰鳥卜淮南子孟冬之月招搖指亥爨松燧火荆楚歲

時記十月朔日黍臠俗謂之秦歲首注未詳黍臠之義今北人此日設麻羹豆飯當為其始熟嘗新耳禰衡別傳云十月朝黃祖在艨艟上會設黍臠是也原化記崔希真十月一日雪遇老父於門獻松花酒老父曰此

酒無味乃於懷中取丸藥置酒中味極美後問天師師
曰此真人葛洪第三子其藥乃千歲松膠也 夢溪筆

談十月萬物登成可以會計故曰功曹 賞心樂事十

月滿霜亭蜜橘賞小春花杏花莊挑薺 東坡詩注嶺

南氣候不常菊花開時即重陽涼天佳月即中秋十月

九日菊始開乃與客作重陽 立冬原禮記月令是月

也以立冬先立冬三日太史謁之天子曰某日立冬盛

德在水天子乃齋立冬之日天子親率三公九卿大夫

以迎冬於北郊

三禮義宗十月立冬為節者冬終也

立冬之時萬物終成故為節名

東京夢華錄立冬前

五日西御園進冬菜京師地寒冬月無蔬菜上至宮禁
下及民間一時收藏以充一冬食用 熙朝樂事立冬

日以各色香草及菊花金銀花煎湯沐浴謂之掃疥

小雪增三禮義宗十月小雪為中者氣序轉寒雨變成
雪故以小雪為中

集藻謠增晉夏侯湛苦寒謠惟立冬之初夜天慘慄以

降寒霜皚皚以被庭冰滄瀕于井幹草槭槭以疏葉木
蕭蕭以零殘松隕葉於翠條竹摧柯於綠竿

五言古詩原梁簡文帝大同十年十月戊寅詩喧塵是
時息靜坐對重巒冬深柳條落雪後桂枝殘星明露色
盡天白雁行單雲飛乍想閣水結遠疑紈晚橘隱重屏
枯藤帶迴竿秋陰連水氣山峯染月寒 增唐白居易
湓浦早冬潯陽孟冬月草木未全衰祇抵長安陌涼風
八月時日西湓水曲獨行吟舊詩蓼花始零落蒲葉稍

離披但作城中想何異曲江池

七言古詩增宋陸游初冬步至東村八月風吹粳稻香
九月蕎熟天始霜男耕女饁常滿野宿麥覆塊皆蒼蒼
豐年比屋喜迎客花底何曾酒杯迤家人但覓浩歌聲
不在東阡在南陌

五言律詩原唐杜甫孟冬殊俗還多事方冬變所為破
柑霜落爪嘗稻雪翻匙巫峽寒都薄烏蠻瘴遠隨終然
減灘瀨暫喜息蛟螭 增元僧方潤初冬作次寥蕭瑟

後霽色却怡人霜已千林曙天猶十月春黃花蝶過晚
白羣雁銜新野性自夷曠非關絕世塵

七言律詩原唐陸龜蒙小雪後書事時候頻過小雪天
江南寒色未全偏楓汀尚憶逢人別麥隴惟應欠雉眠
更擬結茅臨水次偶因行藥到村前鄰翁意緒相安慰
多說明年是稔年 增宋鄭俠次孟堅初冬晴和見梨
桃二花作十月南天尚暑襟幽花何怪動清吟半扉素
藥呈修徑幾朶天紅出茂林地借小春回暖氣日勻疎

影轉輕陰惟應幕府多才俊不負行臺醉客心 陸游
初冬鉏犁滿野及冬耕時聽兒童叱犢聲逐客固宜安
散地間民何幸樂昇平雪花漫漫蕎初熟綠葉離離薺
可烹飯飽身閒書有課西窗來趁夕陽明 志士逢秋
已自傷老人況復惜年光正看溪碓舂粳滑又見山坡
下麥忙桐落井牀多槁葉菊殘衫袖尚餘香讀書有課
真當勉劬貯明膏伴夜長

七言絕句

御製塞外初冬陰山南去雁行多渺渺沙原六御過報是初冬新律改依然霜曉氣暄和

增唐樊晃十月南中感懷南路蹉跎客未回常嗟物候暗相催四時不變江頭草十月先開嶺上梅 張登小雪日戲題甲子徒推小雪天刺桐猶綠槿花然陽和長養無時歇却是炎洲雨露偏 原宋蘇軾初冬荷盡已無擎雨蓋菊殘猶有傲霜枝一年好景君須記正是橙黃橘綠時 增鄭思肖小春花天地無情正北風飛鴻

哀咽亂雲中此時縱使開千樹不及東皇一點紅
元僧善住十月清霜欲重小春天楊柳蕭疎帶曉煙無奈
東皇苦多事又傳春信到梅邊

詩散句增唐杜甫漢源十月交天氣涼如秋草木未黃
落况聞山水幽栗亭名更佳下有良田疇充腸多薯蕷
崖蜜亦易求密竹復冬筍清池可方舟雖傷旅寓遠庶
遂平生游

詞原宋歐陽修漁家傲十月小春梅蕊綻紅爐暖閣新

妝遍錦帳美人貪睡暖羞起嬾玉壺一夜冰漸滿樓
上四垂簾不捲天寒山色偏宜遠風急雁行吹字斷紅
日晚江天雪意雲撩亂

別錄原占候家塾事親十月有三卯糴平無則穀貴

立冬日先立一丈竿占影得一尺大疫大旱大暑大饑
二尺赤地千里三尺大旱四尺五尺低田收六尺高低
田熟七尺高田收八尺澇九尺大水一丈水入城郭
朔日值立冬主災異值小雪有東風春米賤西風春米

貴其日用斗量米若綴在斗來春陟貴甚驗 種藝疏

豆油菜葵菜冬芥菜麥菠薐菜烏菘萱草冬白菜黃芪防

風 移植五味子黃精梅柑五加皮菊橙橘 收採枸

杞枳殼山茱萸芎藭五加皮根梔子阜莢麥門冬苦參

白芷寇貝母牛膝女貞葉桑葉決明子陳皮地黃山藥

子槐實芙蓉花苧根冬瓜枯萋根蕨根甘蔗山芋 澆

培橙橘諸果 包裹諸畏寒花果 整諸畏寒花木根

上土壅苧麻 壅茴香根 整頓窖茉莉芙蓉蘭菊菖

蒲夾竹桃虎刺養蘿蔔種菰蓬萊耘麥 田忌天火卯
地火丑糞忌亥九焦亥荒燕寅

十一月 冬至附見

增禮記月令仲冬之月日在斗昏東辟中旦軫中注日
月會於星紀而斗建子之辰也 是月也日短至陰陽
爭諸生蕩 芸始生荔挺出 原梁元帝纂要是月曰
玄明天又曰廣寒月 花月令是月也芸生楓丹蕉紅
巖桂馥枇杷綴金松柏後凋 增瓶史月表花盟主紅

梅花客卿楊妃茶花花使令金盞花

彙考增周禮地官仲冬斬陽木注鄭司農云陽木春夏生者玄謂陽木生山南者 原前漢書律厯志十一月乾之初九陽氣伏於地下始著為一萬物萌動鍾於太陰 增淮南子見一葉之落知歲之暮觀瓶中之冰知天下之寒 原列仙傳仙人馬湘在刺史馬植坐上仲冬月以酒杯盛土種瓜子須臾蔓引生實食其味甚美 玉燭寶典月晦煮赤豆作糜以祭門禳疫也 增

荆楚歲時記仲冬之月采擷霜蕪菁葵等雜菜乾之並

為臠殖 賞心樂事十一月摘星軒枇杷花味空亭臘

梅蒼寒堂南天竺花院水仙 成都古今記十一月有

梅市 一統志雷陽界稻十一月下種揚雪耕耘次年

四月熟與他地迥異 冬至原周禮秋官柞氏掌攻草

木及林麓冬日至令剝陰木而水之 增周禮秋官薙

氏掌殺草冬日至而耜之 漢書律歷志候氣之法為

室三重戶閉塗墾周密布緹幔室中以木為瑄每律各

如之內卑外高從其方位加律其上以葭莩灰抑其兩
端案歷而候之氣至者灰去 魏相傳冬至則八風之
序立萬物之性成 呂氏春秋冬至後五旬十日菖蒲
生菖者百卉之先生者也 淮南子冬至日則陽乘陰
是以萬物仰而生 原易通卦驗十一月廣漠風至則
蘭射千生 增孝經緯斗指子為冬至至有三義一者
陰極之至二者陽氣始生三者日行南至故謂之至
玉燭寶典十一月建子周之正月冬至日極南影長陰

陽日月萬物之始當黃鍾律其管最長故有履長之賀

原西域志天竺國以十月二十六日為冬至冬至則
麥秀 帝京景物畧冬至日畫素梅一枝為瓣八十有
一日染一瓣瓣盡而九九畢則春深矣曰九九消寒圖
集藻五言古詩原晉傅亮冬至星昴殷仲冬短晷窮南
陸柔荔迎時萋芳雲應節韻 北齊蕭慤冬至應教天
宮初動磬緹室已飛灰暮風吹竹起陽雲覆戶來折冰
開荔色除雪出蘭栽慚無宋玉辯濫吹楚王臺

五言律詩原唐杜甫草堂即事荒村建子月獨樹老夫
家雪裏江船渡風前竹徑斜寒魚依密藻宿鷺起圓沙
濁酒禁愁得無錢何處賒 宋邵雍冬至冬至子之半
天心無改移一陽初動處萬物未生時玄酒味方淡太
音聲正希此言如不信更請問庖羲 增范成大長至

日與同舍遊北山歲晚山同色湖平霧不收寒雲低閣
雪佳節靜供愁竹柏森嚴立蒲荷索莫休瘦筇知脚力
政爾耐清遊

七言律詩原唐杜甫小至天時人事日相催冬至陽生
春又來刺繡五紋添弱線吹葭六管動飛灰岸容待臘
將舒柳山意衝寒欲放梅雲物不殊鄉國異教兒且覆
掌中杯 韓偓冬至夜作中宵忽見動葭灰料得南枝
有早梅四海便應枯草綠九重先覺凍雲開陰氛莫向
河源塞陽氣今從地底回不道慘舒無定分却憂蚊響
又成雷 明李夢陽冬至感懷奉天門下玉欄橋此日
催班侍早朝占史奏雲懼萬國大官傳宴散層霄苑梅

應律春先動宮柳迎風色欲搖一出忽驚今十載百年
勲業有漁樵

七言絕句

御製途中長至關塞經時蹕未回律逢葭琯暗飛灰遙知日
晷添宮線暖閣前頭放早梅

原宋蘇軾冬至日獨游吉祥寺井底微陽回未回蕭蕭
寒雨濕枯芳何人更似蘇夫子不是花時肯獨來冬
至後十餘日復至吉祥寺東君意淺著寒梅千朵深紅

未暇裁安得道人殷七七不論時節遣花開
明董其昌長安冬至子月風光雪後看新陽
一縷動長安禁鐘乍應雲門曲寶樹先驅黍
谷寒

詩散句原宋楊萬里禽翻竹葉霜初下人立
梅花月正高僧洪惠夜久雪猿啼嶽嶺夢回
清月上梅花

詞原宋曾實軒小重山薄雪初銷銀月端踈
踈浮竹影紅闌梅花夢事落孤山禁人處霜重
鼓聲寒留取曉來看斑簾低小閣燭花殘一
帆明月去蒼灣空相憶雪

浪月痕翻 增李肩吾風入松霜風連夜做冬晴曉日
千門香葭暖透黃鐘管正玉臺彩筆書雲竹外南枝意
早數花開對清樽 香閨女伴笑輕盈倦繡停針花磚
一線添紅景看從今迤邐新春寒食相逢何處百單五
箇黃昏

別錄原占候四時纂要冬至日數至元旦五十日者民
食足若不滿五十日者一日減一升有餘日益一升最
驗 至前米價長至後必賤落則反貴 寒不降五月

雷電 朔日值冬至主年荒歲凶 古占書以朔日冬

至為令辰 田家五行志得壬一日主旱二日小旱三

日赤旱四日五穀大熟五日小水六日大水七日河決

八日海翻九日大熟十日少收十一十二日五穀不成

歷法冬至日中晷八尺表其晷如度者其歲美人和

不則歲惡人惑晷進則水晷退則旱進一尺則日食退

一尺則月食 歷家推朔旦冬至夜半甲子謂之歷元

最難得 禁忌千金方勿食經霜菜令人面無光澤

增居家宜忌十一月勿食生菜發宿疾勿食生韭多涕
唾 原種藝松檜春菜箭幹菜茼蒿杉柏菠菜黃矮菜
蒿苳 移植松臘梅檜 壅培石榴牡丹椒瑞香麥冬
芙蓉木香竹芍藥 收採冬葵子陳皮款冬花鬼箭
整頓澆海棠艾薔薇修茶藤艾木香鋤油菜 田忌天
火午地火子糞忌丑九焦申荒蕪午

十二月

小寒大寒臘日除夕附見

增禮記月令季冬之月日在婺女昏婁中旦氏中注日

月會於玄枵而斗建丑之辰也 冰以入令告民出五

種注冰既入而令田官出五種以明大寒氣過農事將起也 是月也日窮於次月窮於紀星回於天數將幾

終歲且更始專而農民毋有所使 原梁元帝纂要季

冬亦曰暮冬杪冬除月暮節暮歲窮稔窮紀 花月令

是月也梅葉吐山茶麗水仙凌波茗有花瑞香郁烈山

礬鬯發 增瓶史月表十二月花盟主蠟梅獨頭蘭花

花客卿茗花漳茶花花使令枇杷花

彙考增禮記王制冢宰制國用必於歲之杪五穀皆入
然後制國用 夏小正十有二月納卯蒜傳卯蒜也者
本如卵者也 韓非子魯哀公問於仲尼曰冬十二月
實霜不殺菽何為記此對曰此言可以殺而不殺也宜
殺而不殺梅李冬實天失道草木猶犯干之而況人君
乎 荊州記淮陽郡十二月一日種穀至明年三月新
穀便登 賞心樂事十二月綺互亭檀香蠟梅湖山探
梅花院蘭花玉照堂看早梅 榕城隨筆漳於八閩為

極南得氣最暖其人生不識霜雪之狀隆冬不禦裘絮
桃李以臘月華大寒之候桂香襲人特為可愛 小寒
原孝經緯冬至後十五日斗指癸為小寒陽極陰生乃
為寒今日初寒尚小也 詩含神霧小寒為節者亦形
於大寒故謂之小言時寒氣猶未極也 大寒增孝經
緯小寒後十五日斗指丑為大寒至此栗烈極也 詩
含神霧大寒者上形於小寒故謂之大十一月一陽爻
初起至此始徹陰氣出地方盡寒氣併在上寒氣之逆

極故謂大寒 臘原禮記郊特牲天子大蜡八伊耆氏

始為蜡蜡也者索也歲十二月合聚萬物而索饗之也

增郊特牲蜡之祭也主先嗇而祭司嗇也祭百種以

報嗇也 原風俗通夏曰嘉平殷曰清祀周曰大蜡漢

改曰臘臘者獵也因獵取獸以祭先祖或曰新故交接

大祭以報功也 增荆楚歲時記十二月八日為臘日

諺語臘鼓鳴春草生村人並擊細腰鼓戴胡頭及作金

剛力士以逐疫 原卓異記天授二年臘卿相詐稱上

苑花開請幸則天許之乃遣使宣詔曰明朝遊上苑火
急報春知花須連夜發莫待曉風吹於是明晨名花瑞
草皆發羣臣咸服其異 養生要論十二月臘夜令人
持椒卧井旁無與人言納椒井中可除瘟病 杜氏通
典蜡之義自伊耆氏之代而有其禮古之君子便之是
報田之祭也其神農初為田事故以報也 風土記東
京作浴佛會以諸果品煮粥謂之臘八粥 農政全書
冬至後第三戌為臘臘前兩三番雪謂之臘前三白大

宜采麥諺云若要麥見三白

除夕增吳中風俗記吳

中風俗除夜村落間以禿帚若麻蘆竹枝等燃火炬縛
於長竿之梢以照田蠶爛然徧野以祈絲穀 除夜宜
焚辟瘟丹或蒼朮皂角楓芸諸香以辟邪祛濕宣鬱氣
助陽德即閤室虛堂亦無不到

集藻文賦散句增晉傳玄大寒賦百川咽而不流兮冰
凍合于四海扶木顛顛于陽谷若華零落于濛汜 陸
雲歲暮賦時凜冽其可悲兮氣蕭條以傷心悽風愴其

鳴條兮落葉翻而灑林 唐王勃守歲序槐火滅而寒

氣消蘆灰用而春風起魚鱗布葉爛五色而翻光鳳腦
吐花燦百枝而引照 柏葉為銘影泛新年之酒椒花
入頌先開獻歲之詞 張九齡歲除登逍遙臺序南土
融和覺寒氣之向盡東郊物暖愛春色之方來

四言古詩原晉裴秀大蜡詩日躔星紀大呂司辰玄象
改次庶衆更新歲事告成八蜡報勤告成伊何年豐物
阜豐禋孝祀介茲萬祐報勤伊何農功是歸穆穆我后

務茲蒸黎宣力菑畝沾體暴肌飲饗清祀四方來綏充
叔郊甸鱗集京師交錯貿遷紛葩相追反袂成幕連袂
成帷有肉如丘有酒如泉有穀如林有貨如山和氣來
臻率土同歡祥風協順降祉自天方隅清謚嘉祚日延
與民優游享壽萬年

五言古詩原梁庾肩吾歲盡應令歲序已云殫春心不
自安聊開柏葉酒試奠五辛盤金薄圖神燕朱泥印鬼
丸梅花應可折倩為雪中看

五言律詩原唐太宗除夜暮景斜芳殿年華麗綺宮寒
辭去冬雪暖帶入春風階馥舒梅素盤花捲燭紅共歡
新故歲迎送一宵中 歲陰窮暮紀獻節啓新芳冬盡

今宵促年開明日長冰消出鏡水梅散入風香對此歡
終宴傾壺待曙光 沈佺期歲夜安樂公主滿月侍宴
應制除夜子星迴天孫滿月杯詠歌麟趾合蕭管鳳凰
來歲炬常燃桂春盤預折梅聖皇千萬壽垂曉御樓開
史育除夜今歲今宵盡明年明日來寒隨一夜去春

逐五更回氣色空中改容顏暗裏催風光人不覺已著
後園梅 杜甫杜位宅守歲阿戎家椒盤已頌花
盞簪喧樾馬列炬散林鴉四十明朝過飛騰暮景斜誰
能更拘束爛醉是生涯 韋莊歲除對王秀才作我惜

今夜促君愁玉漏頻豈知新歲酒猶作異鄉身雪向寅
前凍花從子後春到明追此會俱是隔年人 增宋陸
游臘月今冬少霜雪臘月厭重裘漸動園林興頓寬薪
炭憂山陂泉脈活村市柳枝柔春餅吾何患嘉蔬日可

求

七言律詩

御製賦得爆竹聲中一歲除是日微雪爆竹連宵不夜城占
年積素即豐盈維新四始全仁政修省三朝冀太平拂曙
和風臨上日通晨淑氣擁華清願將柏葉芳尊酒賜與臣
鄰共大羹

增唐杜審言守歲侍宴季冬除夜接新年帝子王孫捧
御筵宮闕星河低拂樹殿前燈燭上薰天彈弦奏節梅

風入對局探鉤柏酒傳欲向正元歌萬壽暫留歡賞寄

春前 原杜甫臘日臘日常年暖尚遙今年臘日凍全

消侵陵雪色還萱草漏洩春光有柳條縱酒欲謀良夜

醉還家初散紫宸朝口脂面藥隨恩澤翠管銀罌下九

霄 十二月初一日作今朝臘月春意動雲安縣前江

可憐一聲何處送書雁百丈誰家上瀨船未將梅蕊驚

愁眼更取椒花媚遠天明光起草人所羨病廢幾時朝

日邊 增宋宋郊十二月望日禁中作閨歷先春破臘

寒綵花金勝寵千官冰從太液池邊動柳向靈和殿裏
看瑞氣因風飄禁仗暖暉依日上仙盤須知聖運隨生
殖萬國年年共此懽 陸游歲未盡前數日偶題長句
老向人間迹轉孤參差煙火出菰蒲數畦綠菜寒猶茁
一勺清泉手自斟穀賤窺籬無狗盜夜長暖足有狸奴
歲闌更喜人強健小草書成鬱壘符 風號四野雲如
墨徂歲消磨不滿旬瑞雪便應平地尺野梅又報一年
春長河斷渡冰將合古寺題詩手為皴僵卧閉門行路

絕安知今代獨無人
原明文徵明雲霞駘蕩曉光和

手折梅花對酒歌
暮齒不嫌來日短
霜髭較似去年多
東風漸屬青陽候
流水微生綠玉波
鳥弄新音晴晝永
相看不飲奈春何

五言絕句原唐太宗太原召侍臣守歲四時運灰琯一
夕變冬春送寒餘雪盡迎歲早梅新

七言絕句原宋韓絳新陽氣候未全佳尚縱寒威壓歲
華賴有椒湯共卯酒不妨和雪看梅花
增范成大除

夕前二日夜雨雪不成花夜雨來隴頭一洗定無埃小
童却怕溪橋滑明日先生合探梅 楊萬里臘裏立春
嫩日催青出凍菱小風吹白落疎梅殘冬未放春交割
早有黃蜂紫蝶來

詩散句增唐殷璠雪冷江空歲暮時竹陰梅影月參差
宋韓琦一箭尚留終在臘萬花潛發欲驚春 楊萬
里臘月潮州見桃李元來不作好春看 明王韋好記
流年收柏葉乍消殘雪見梅枝

詞增宋汪莘行香子野店殘冬綠酒春濃念如今此意
誰同溪光不盡山翠無窮有幾枝梅幾竿竹幾株松
籃輿乘興薄暮踈鐘望孤村斜日匆匆夜窻雪障曉枕
雲峯便擁漁簑頂漁笠作漁翁

別錄原負暄雜錄二十四日五更取井花水平旦第一
汲者盛淨器中量人口多少浸乳香至歲旦五更暖令
溫從小至大每人以乳香一小塊飲水三吸一年不患
時疾 法天生意大寒冷早出噙真麻油則耐寒 勿

食經霜菜果減人顏色 占候柳眼青來年夏秋米賤

月內萌類不見六月五穀不實 二十四日田夫收

豎候昏時爭立竿燎火於野名曰照田蠶看火色占來
年水旱白主水紅主旱猛烈主豐衰微主歉東北風吉
臘盡火光及燒粃盆爆竹看火色大率與田蠶火同

種藝雜麻苘蒿菠菜栽桑 移植山茶玉梅海棠柳

壓插石榴薔薇月季木香十姊妹 收採大戟根節欵

冬花木蘭皮鬼箭穀樹皮冬葵子蒲公英蒲忍冬藤

壅培橘桑芋麻韭竹芍藥 整頓墾秧田燒荒修杞
柳修桑浴蠶種伐竹木磨桑葉造農具挑溝塘乾蒿砍
穀樹刈茅草葺園籬酵河泥貯雪水貯蔴油 田忌天
火酉地火子糞忌卯九焦已荒蕪戌

御定佩文齋廣羣芳譜卷六

謹案卷五第三頁後一行黃滔秋色賦跋烏減赫
刊本脫色字減訛咸據唐賦改

第六頁後二行秋夜簡敬承公亮刊本脫此題據
明詩增

第六頁後四行四氣自幹運刊本幹訛幹據明詩
改

第八頁前六行山曉望晴空刊本曉訛晚據唐詩
改

第十頁前三行山遠嶂重出刊本遠訛歸據金詩

改

第十頁前四行元德明刊本德明訛作權字據金

詩改

第十一頁前六行煙外驛樓紅隱隱刊本外訛水

據全唐詩改

第二十四頁後六行渚蓮未折庭梧老刊本渚訛

諸據宋詞改

第二十五頁後六行日月會于壽星而斗建酉之
辰也刊本辰訛歲據禮記注改

第三十四頁後五行露淒暄風息刊本息訛急據
陶集改

第三十九頁後三行城鴉拂曙烟刊本鴉訛霞據
唐詩改


第四十三頁後六行南鄉子刊本鄉訛柯據宋詞
及詞律改

第四十四頁前一行漁家傲刊本家訛陽據宋詞
及詞律改

卷六第十五頁前四行陽氣伏於地下刊本陽字
上行日字據前漢書刪

第二十四頁後三行共歡新故歲刊本新訛觴據
全唐詩改





總校官庶吉士臣侍朝

校對官檢討臣王福清

謄錄監生臣宣蔭光